

RAČUNOVODSTVA U JAVNOM SEKTORU TEMELJENOG NA OBRAČUNSKOJ OSNOVI

Tekst kojim se objašnjavaju prednosti

Računovodstvo u javnom sektoru temeljeno na obračunskoj osnovi – ključan alat za vlade

Djelovanje vlade predstavlja glavni dio bruto domaćeg proizvoda (BDP-a). Stoga je važno da se javnim sredstvima i imovinom upravlja na učinkovit način i da vlade snose odgovornost za svoje upravljanje građanima, njihovim predstavnicima, investitorima i ostalim interesnim stranama. U privatnom sektoru obračunsko računovodstvo u upotrebi već stotinu godina, dok je u javnom sektoru osnovna metoda rada novčano načelo. Mnoge studije pokazuju sve veće uvođenje računovodstva temeljenog na obračunskoj osnovi u javni sektor. Primjerice, prema anketi OECD-a o obračunskom računovodstvu iz 2016. oko tri četvrtine zemalja OECD-a usvojilo je računovodstvo temeljeno na obračunskoj osnovi za svoje godišnje finansijske izveštaje.

Obračunsko računovodstvo u javnom sektoru temeljeno na međunarodnim standardima i dobroj praksi ključan je alat za vlade jer:

- omogućuje objektivno, usporedivo i transparentno prikazivanje finansijskih informacija, uključujući troškove djelovanja vlade;
- potpuno pokriva imovinu i obaveze kao i prihode i rashode subjekata uključujući državu kao cjelinu, a istodobno daje sveobuhvatne informacije o novčanim tokovima;
- obuhvaća priznavanje ekonomskih događaja kao što je stvaranje, prijenos ili opadanje ekonomske vrijednosti u trenutku nastanka događa;
- nudi mnogo prednosti u odnosu na tradicionalno računovodstvo na novčanoj osnovi sa stajališta vladine transparentnosti, odgovornosti, finansijskog upravljanja i isporuke javnih usluga.

RAČUNOVODSTVO U JAVNOM SEKTORU TEMELJENO NA OBRAČUNSKOJ OSNOVI

Ključan alat za vlade



ODGOVORNOST



TRANSPARENTNOST



UČINAK

PULSAR

PULSAR program je

kojim upravlja



CFRR

Centre for Financial Reporting Reform



koji su-financira

Federal Ministry
Republic of Austria
Finance

Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Federal Department of Economic Affairs,
Education and Research EAER
State Secretariat for Economic Affairs SECO

ZNAČAJNE SMJERNICE O PREDNOSTI RAČUNOVODSTVA U JAVNOM SEKTORU TEMELJENOG NA OBRAČUNSKOJ OSNOVI



Ključan alat za vlade



WORLD BANK GROUP

PREDNOSTI OBRAČUNSKOG RAČUNOVODSTVA U JAVNOM SEKTORU

ODGOVORNOST



Objektivizirane finansijske informacije


Obračunskim računovodstvom temeljenim na međunarodnim standardima i dobroj praksi sistematiziraju se inače različite računovodstvene politike, omogućuje prezentiranje usporedivih i transparentnih finansijskih informacija te minimalizira subjektivnost i netransparentnost u finansijskom izvještavanju.

Povećano sudjelovanje i uključenost u politiku

Sveobuhvatne finansijske informacije omogućuju informirane i inkluzivne rasprave o utjecajima proračunske politike na životе civilnog društva. Građani su osnaženi za sudjelovanje u raspravama o prioritetnim državnim rashodima temeljenim na dokazima s nacionalnim zastupnicima koje su izabrali na izborima i mogu zatražiti promjene politike na temelju konkretnih, provjerljivih podataka.

Jačanje povjerenja u vlade

Kvalitetno finansijsko izvještavanje omogućuje vanjsku kontrolu javnih rashoda, čime se jača povjerenje u vladu i poboljšavaju krajnji rezultati politike. Transparentnost i sudjelovanje dokazano potiču veću odgovornost za upotrebu javnih sredstava i imovine te pomažu u sprječavanju korupcije održavanjem visokih standarda integriteta.



TRANSPARENTNOST



Potpuna slika javnih financija

Računovodstvo temeljeno na obračunskoj osnovi proizvodi sveobuhvatniji skup finansijskih informacija od običnih novčanih tokova i omogućuje dugoročniju perspektivu državnih financija. Prema ovom načelu priznaje se sva imovina i obaveze javnog sektora, uključujući finansijsku i nefinansijsku imovinu, obaveze koje nisu dužnički vrijednosni papiri i obveznice, kao što su dospjele neplaćene obaveze i mirovinske obaveze, kao i ostali inače skriveni troškovi poput nepredviđenih obaveza.

Bolja kvaliteta fiskalne statistike

Statistika državnih financija važan je alat za kreiranje politike i praćenje makroekonomskog stabilnosti. Osiguravanje finansijskih izvještaja temeljenih na standardima obračunskog računovodstva koji su prošli reviziju provedenu dosljedno na razini svih subjekata u čitavom

javnom sektoru značajno bi smanjilo rizik od sistematskih pogrešaka u podacima koji se upotrebljavaju za izradu fiskalne statistike.

UČINAK



Unaprijeđena isporuka javnih usluga

Računovodstvo temeljeno na obračunskoj osnovi uspostavlja jasnu vezu između alokacije sredstava i isporuke usluga davanjem informacija o tome kako se sredstva upotrebljavaju u korist građana. Za procjenu učinka vlade, rješavanje uskih grla te unaprijeđenje kvalitete i obuhvata isporuke javnih usluga ključno je imati unaprijeđeno izvještavanje o točnim finansijskim informacijama od strane decentraliziranih jedinica koje prужaju javne usluge.

FINANCIJSKO UPRAVLJANJE



Unaprijeđena osnova za donošenje odluka

Računovodstvo u javnom sektoru temeljeno na obračunskoj osnovi daje sveobuhvatan pregled finansijskog učinka vlade, cjelokupnih troškova djelovanja vlade, informacija o socijalnim obvezama i budućem uslužnom potencijalu osiguravajući točnije planiranje neposrednih potreba za javnim sredstvima.

Poboljšano upravljanje fiskalnim rizikom

Obračunski koncept, kojim buduće i skrivenе obaveze postaju transparentne, vladama omogućuje istinit i pravičan prikaz finansijskog položaja, njegove održivosti i upravljivosti.

Veći povrat na imovinu

Javne investicije stvaraju imovinu, javno dobro i ekonomsku vrijednost. Evidentiranjem javne imovine unaprijeđuje se vladino razumijevanje veličine i prirode javne imovine što dovodi do efikasnijeg upravljanja, upotrebe imovine u bolje namjene i potencijalno većeg povrata na javnu imovinu.